

Ubufumu Bwakwa Lesa

Bonse Abenakristu pepeni nge fyo Yesu asosele: *“Ubufumu Bwenu bwise, ukufwaya Kwenu kucitwe pano nse, nga mu mulu” (Mateo 6:9-10)*

E ico aba **e bantu aba Bufumu** abo abalumbula ukutla pano te pa mushi pa mwabo. Uno te mushi wesu. **Ifwe tulelelela ukwisa kwa Mfumu ukwisa mukupampamika Ubufumu.** ^[1]

Kabili muli Yohane Washila 14:1-3 ifwe tulebelenga: *“Mu ng’anda yakwa kwa Tata mwaba apa kwikala apengi (atemwa: mu bufumu bwakwa Tata mwaba amasano ayengi): acikanaba ifi, bushe nga nalimwebele. Nati ndeya ku kumupekanisho bwikalo. Kabili nga naya no kumupekanisha ubwikalo, nkesa kabili, no kumupokelela kuli ne mwine; ukuti ukondi, eko na imwe mukabe.”*

Kabili ifwe tulemona imibele ya nshita. Ifwe tulemona imibele ya bantu. Ifwe tulemona imibele ya fikansa fya calo. **Ifwe tulemona imibele ye sonde.** Yena tekuti iminine. **Ilingilile ukwibila nga filya Titanic.** Ilingile ukuya panshi. Pantu uluko lumo lupela icifulo kulubiye ilyo lulewa. Kabili ubu ubufumu bulingile ukuwa no bufumu ubuli bonse. **Ukupela icifulo kuli bulya Bufumu ubuleisa ubo ubushinga wishywa.** Pa mulandu ifwe tulepokelela Ubufumu ubushinga tenshiwa ^[2] **Ubufumu ubwa muyayaya** ^[3] *(Abahebere 12:27-29).*

Ubuteko ubuli bonse butungululwa na ciwa. **Kuli no kwisa ubuteko ubo ubukatungululwa na Kristu; lelo cilya ni mu millennium.** Lelo aya ama buteko nombaba, te mulandu ubusuma ifyo tutontonkanya yena ukuba, lelo kunuma ya yena yali tekwa na Satana. **Satana e mutwe wa maka yonse ayafikansa fya calo ifya nko ili yonse.** Satana asendele Yesu pa mulu wa lupili, no ku mulangisha Wene yonse ama bufumu ye nsonde aya talile bapo, atemwa aya katala ukubapo mu nshita ileisa. “Aya ama bufumu,” atile, “yandi; ncita na yena conse ico ndefwaya. Ndi noku yapela kuli Imwe, **nga Imwe muli no ku mpepa.**” E lya Yesu atile kuli wene: “Fuma apa, Satana, pantu cali lembwa, Sokulu Lesa obe e o ulepepa, kabili wene eka e o ulebombela” (*Mateo 4:8-10*).^[4] Yesu tatalikishenye nankwe. ^[5] Ena alishibe ukutla Ena akesaba impyani kuli yalya ama bufumu. ^[6]

Satana aleesha ukuyapela yena kuli Yesu ukwabula ilambo. Mwamona? Cena cali amakwebo ayo ena ali no kulenga Wene. Lelo isonde lya libembwike, e ico ukukandwa pa lubembu cali ni mfwa, kabili Ena ali no kufwa (*Abena Roma 6:23*). **Ulya e mulandu wine Lesa amonekele mu mubili pa kutla Ena enga senda imfwa pali Wene ukulipila ukukandwa.** Cena mucine calilipililwa ubupe fye! Imisha yonse yalilipilwa (*Abena Kolose 2:23*). Lyena Lyakwe nombaba. Kabili ifwe tuli **inkombe sha Bufumu Bwakwe** abalongene muno capamo mwi Shina lya kwa Yesu Kristu, Imfumu yesu, ukwikala mu ncende sha mulwelele (*Abena Efese 2:6*).^[5]

Satana akapela imwe imisango yonse iya mabulayo, lelo ena takwata nangu cimo icakumipela, pa mulandu ena takwata nangu cimo. Ena ta kwata ipusukilo. **Satana ni cinshi? Icintu icili conse ukupusana ne Cebo,**

ena takwata ipusukilo. Ena takwata Uluubuto. Ubufumu bwakwe bwa mfimfi impela ya buko ni mfwa. **Imfimfi ne mfwa e bufumu bwa kwa Satana.... Na kabili: Nicinshi ubufumu bwa kwa Satana? Icintu icili conse ica pusana ne Cebo cakwa Lesa.**

Nomba, uku kuputaula, lelo ni nshita iya kuputaula. Mwamona? Umusambo, icimuti, nga cili no kutwala, cilingile uku tungwilwa. Yena ni nshita.

Icinti icili conse ica pusana ku fipope fya kwa Lesa, Icebo ca kwa Lesa, te Lesa. Cena ni cinshi? Ulubembu cinshi? Ubulungami ukupondamikwa. Imfwa cinshi? Ubumi ukupondamikwa. Ni cinshi ubufumu bwa kwa Satana? Icintu icili conse icile bika icintu cimo ukusenda icifulo ca Cabo, icili conse, **isambilisho ilili lyonse.** Icebo cimo, icebo fye cimo. Imwe kuti mwa tetekela conse fye. Efa atetekele conse fye ica Cena kuli cilya Cebo cimo. Cilya Cebo cimo ceka fye e co ena afwaikwe uku kana cetekela. Cilya Icebo cimo ceka fye eco imwe mu fwaikwa ukukana cetekela.

Nomba, lekeni tulolekeshe pali cena. Inshila fye yeka iya kwikalila mwisenge Iya Bulesa cali ukusunga cilya Cebo. Lesa atile, “Iwe ukalecite ci. Iwe wilacita ici. Ulecita ici, kabili iwe kuti wacita ici kabili ulecita ici. Lelo wila cita ici.” Nomba, akaputulwa fye akanono akamalango ako ena tanakileko, kabili ca tendeke icintu conse... (*Ukutendeka 2:15-17; Ukutendeka 3:1-7*). Pa mulandu wene acitile cilya, calengele umwana onse uuli nensala uyo uwa talile ukubapo mwisonde, ukukalipwa konse ukwa mfwa, ubulanda bonse, ukukalipwa konse ukwa mutima. Ena ali cicitile lilya line. Ifyo caba icintu

ica bipisha ukukana cetekela Icebo cakwa Lesa (*Yohane 16:9; Yohane 3:36*). [7]

Owe, **ukulila pali aya amabulayo aya mu myulu Icebo Cakwe ica bulayo ca ino nshita**, owe, ukwishiba, ne cinshininkisho ica cine ica citetekelo, **ukutula kuleisa imyulu ipya ne sonde lipya...** Amen. Imyulu ipya ne sonde lipya, pantu uyu umulu wa ntanshi ne sonde ilya ntashi fikapita (*Ukusokolola 21:1*). Lelo muli uyu mulu upya ne sonde lipya, Paulo atile uku lubali mwi Buku ilya Ba Hebere. Atile, **“pantu tulepokelela Ubufumu ubo ubushinga tenshiwa”** (*Abahebere 12:28*). Musangonshi twaingile muli bwena? Te mibombele ya bukapepa, **lelo Ubufumu bwakwa Lesa buli muli imwe. Imfumu ne Cebo Cakwe caba cimo cine, kabili Bwena buli muli imwe, ukushininkisha ora iyo ifwe nombata tuleikalamo.** Ubulayo ubo Lesa apele kuli ino nshita, ifwe tuli pano, **ukwikala pamo ne Mfumu, ukwikala mu ncende sha mulwelele, ukumona Wene ukubomba ifi fintu.**

Kabili musangoshi twinga fuma kuli cilya Cebo ukuya ku mibombele imo? Ni cinshi cena cicita? Cena cilakana Icebo. Mulingile ukukana Icine ilyo tamulakwata icilubo. Cilya cinshinka nganshi. Bushe mulecetekela cilya? [3]

Ino ni nshita iya kutenkanya abantu. Ino ni nshita iyo Lesa asosele ukutula kukesa inshita, Ena atenkenye Ulupili ulwa Sinai inshita imo lelo ku kesaisa ukutenkanishiwa na kabili, ukutula Ena taka tenkanye fye Ulupili lwa Sinai, lelo Ena akatenkanya ifintu fyonse ifinga seshiwa (*Abahebere 12:18-26*). Lelo bushe na mumona Amalembo ayashala? **“Lelo tulepokelela Ubufumu ubushinga tenshiwa.”** Aleluya. Ifintu fyonse

ifingatenkana fika tenshiwa. Imyulu ika tenkana. Isonde likatenkana. ***Imyulu ne sonde fikapita, lelo cilya Cebo ta cakatale ukupita***” (Mateo 24:35), ***“pantu pali ici cilibwe nkakula Ulukuta Lwandi, kabili impongolo sha kumbo ta shaka Lwanshe”*** (Mateo 16:18-19). **Ifintu fyonse ifinga tenshiwa fika tenkanishiwa. Lelo ifwe tule pokelela Ubufumu ubo ubwaba Icebo cakwa Lesa Umwine, kabili Lesa aba Icebo Cakwe.** Ena tatenshiwa Umwine. Ameni. Owe, mwe. Lelo tulepokelela Ubufumu ubushinga tenshiwa; bwena tabutenshiwa, efyo Paulo asosele, kalemba uwa Bahebere. [8]

Muli Luka 17:20-21, Yesu atile: ***“Ubufumu bwa kwa Lesa tabwisa ne fya kubumwenako: kabilli tabakatile, Moneni pano! Atemwa, moneni palya! Pantu, moneni, ubufumu bwa kwa Lesa buli mu kati ka imwe.”***

Ukutwalilila ifwe tulebelenga mu Bena Kolose 1:27, ***“Abo Lesa atemenwe ukulenga beshibe ubucindami ubwa bukata bwa ca nkama ici mu Bena fyalo; e kutila Kristu muli imwe, icaku cetekelako cenu ica bukata.”***

Ifwe twalyampana mu Mutwe umo uwa shininkishiwa; ulya ni Kristu, Icebo ca kwa Lesa, tekuba ku lukuta ululi lonse. **Lyena Umutwe wesu waba Ubufumu.**

“Ubufumu bwa kwa Lesa buli mukati ka imwe,” efyo Baibele yasosa--Yesu. Ifwe tatuli cilonganino. **Ifwe twaba ku Bufumu, kabili Ubufumu bwaba Icebo ca kwa Lesa ukulengwo Umupashi no Mweo mu bumi bwesu fwebene, uku fikilisha ubulayo ubuli bonse muli buno bushiku nge fyo bwa citile muli bulya bushiku ilyo Icebo na Lesa fyali Cimo.** Kabili Icebo na Lesa caba

cimo mu Lukuta Lwakwe ilelo, ukulenga cena Umutwe wa Mubili ubo uwa lubulwa ukuleta imbila mu bushiku bwa kulekelesha no kusendwa mu mulu ukufuma ku mfwa mu kubuka (1 Abena Korinti 15:51-53) ukubwelelamo no kubweseshapo nakabili nge fyo Adam na Efa bali mu kutendeka kwe bala Iya Edeni. [9]

Umuku na umbi: 1 abena Korinti 4:20 itila **Ubufumu bwa kwa Lesa bwaba Cebo Cakwe ukulengwa amaka.** Ubufumu bwa kwa Lesa bwaba Icebo ca kwa Lesa ukulengwa Amaka. Ni cinshi Ubufumu bwa kwa Lesa? Buli mukati ka imwe. **Ubufumu buli muli imwe.** Kabili ilyo Icebo caisa mulya, ni cinshi ico Icebo citendeka? **Cila ilula Icline mu maka, ukulenga Cena ukusosa filya fine fye ifyo Cena casosa.**

Ikaleni ne Cebo. Ici e co. Mwamona? Kabili Cena cilalenga Cena amaka, “Yesu Kristu cimo cine mailo, ilelo, no muyayaya.” (Abahebere 13:8). Yesu atile muli Yohane washila 14:12, [7]

“Untetekela, imilimo iyo ncita na o akacita.” “Nga mwaikala muli Ine ne Fyebo Fyandi nga fya ikala muli imwe, lombeni ifyo mulefyaya naco cikamucitilwa. Nga mwaikala muli ine ne Fyebo Fyandi muli imwe... (Yohane 15:7-8).

Cena cishinka ukutila ulukuta ulukalamba lulabeka no ku bengeshima na masambililo aya fya Bulesa, ilyo **Ubufumu bulaaka no kupetama, ababusu na bapetama.** Imbila nsuma taibeka; yena ilaka. Golide iya fye ila bengeshima; golide iya cine ilaka. Paliba ubupusano pakati ka kwaka no ku bengeshima. Twalishiba cilya. Ilyo ulukuta ulukalamba lula

bengeshima no kwaka na bakasambilila aba cenjela nganshi, ifipuna ifisuma, imisalaba icibumba conse, kabili ifikulwa ifyasansamisha kabili ifya wamisha mu mi kulilwe, ne fintu ifi fikalamba ifya tusonshi, fyonse nga filya; Ubufumu ubunono, mulya mukayanda kamo akanono nga kuno pa cifulo cimo **buleyaka no bukata bwakwa Lesa, no kwisushiwa na bapetama mu mutima**, Lesa ukubomba muli bena ukundapa abalwele, no kubusha abafwa, no kutamfya ifiwa, kabili na fimbipo nga filya; ukubaleka fye ukulapita. [10]

Umwaume atile ubushiku bumbi kuli ine, ukwiminina no kulanda, atile, “Cisuma, cilonganino nshi wabako?”

Natile, “Nangu cimo.”

“Cinshi?”

“Nangu cimo,” Natile, “**Naba ku Bufumu.**”

“Cisuma, musangonshi muilunda kuli cilya?”

“Imwe ta muilunda kuli bwena; imwe mula fyalwa muli bwena.”

“Bufumunshi bulya?”

Natile, “**Uwakupapusha Umubili wa kwa Yesu Kristu.** Ku Mupashi umo ifwe tula batishiwa muli uyu Mubili, aba fyalwa ku Mupashi Wakwe, lyena ifwe tuli ba ku Bufumu” (*1 Abena Korinti 12:13; Yohane 3:1-8*). **Lyena, ifwe tu moneka abaibela, ifwe tutontonkanya ukwaibela, ifwe tubomba mukuibela, ifwe twikala abaibela. Te pa mulandu caba umulimo atemwa twaba ku lukuta, lelo pa mulandu wa “kudemwa uko Lesa abika mu mitima yesu ku Mupashi wa Mushilo”** (*Abena Roma 5:5*), cilya cilatulenga abekashi banabo aba Bufumu bwa kwa Lesa, lyena ta kwaba

icilonganino atemwa ifya ku cingilisha muli cilya. Ifwe bonse tuli Umubili umo ukalamba. Kabili ubumi bwesu tatuli abena America; ifwe tatuli abena German; ifwe tatuli nangu cimo; **ifwe tuli Benakristu**. Ifwe natwikala kabili twenda mu Mupashi, umusha uwa citemwiko (ukufuma ku fintu ifya mwisonde). Kabili ne nsambu shesu kwi sonde). Kabili insambu shesu kwi sonde twali shitisha no kushita uyu Magalita uwa Mutengo ukalamba, no kwenda no kuleka Mupashi wa Mushilo ukuilangisha Umwine (*Mateo 13:45-46*). Filya e fyo Ulukuta Lwakwe ulwa cine lwaba. Filya e fyo mwaba, atemwa e fyo naba, **nga ifwe twa lekelako fwebene** no kubombela Lesa ku Cebo cakwe kabili te filya ifyo icisumino cimo cisosa. [9]

Imwe mwali batishiwa muli ubu Ubufumu, kabili takuli nangu umo mulya kano imwe na Lasa. Mwamona? Ena alapela ifipope, kabili imwe mulafisenda. Ifili fyonse Ena asosa, takubako ukutwishika nangu panono apali ponse; imwe mulatwalilila ukulaya. Nga Shikulu asosa ici, takuli nangu umo mwisonde uwinga landa uku fumya imwe muli cena; imwe mulaya pa ntashi ifyo fine. [1]

Lesa apangile ipange ilya ku puswishako umuntu. Kabili umuntu tekuti alundeko icintu icili conse kuli lilye pange. Lyena lipange Iya kwa Lesa. Kabili lilye pange elyo tulefwaya ukusambilila. Ni cinshi ipange Iya kwa Lesa? Atile, “Leken i shiwi Iya muntu onse libe ilya bufi (*Abena Roma 3:4*), ne Lyandi libe ilya Cine.” E ico kanshi, ifwe tatulingile ukupilibula ishiwi limo ukucilenga ukuba icintu cimbi. Te mulandu ubwingi wa fya ntambi shesu kabili na fimbipo ifinga belengwa, ifwe tulingile ukulabako cilya. Ici e Cebo ca

kwa Lesa. Tekuti ci citwe fye ishila imbi. Lesa ali kwata ipange; Ena ali panga ipange.

Kabili, ibukisheni, ku cintu cakubalilapo, **mpaka mwafyalwa libili tamwa katale ukwiluka**. Imiku ibili Ena alandile cena. *“Ngo muntu ta fyelwe libili tekuti e ngile mu Bufumu. Ngo muntu ta fyelwe ku menshi na ku Mupashi, te kuti e ngile mu bufumu bwakwa Lesa.”* (Yohane 3:3-5). Nomba, kulya kusuminisha nako. Ishiwi, mu kupanga yonse yalya amashiwi, bena balanjeba ukutula bena bali yalembele, bena, kabili ilyo bena basosa, “Mucine, cine,” cilya kusuminisha, nge cilembo icikulu. “Icine cine, ndetila kuli imwe.” Kabili ishiwi mucifulo cimo, atemwa pa fifulo ifingi, yailulwa “icine cine”: “Icine cine, icine cine, ndetila kuli imwe.” Nani uwa sosele cilya, bushe ni kadino, shimapepo, kacema, kabila wa mbila nsuma, papa? Lesa Umwine. Nomba, takuli apakulesesha. Ena tekuti nakalya, tekuti nakalya, tekuti mushila ili yonse, te mulandu ifyo aba umukalamba, ifyo ishina lyakwe lyaba, ifyo aba umukulu, atemwa ifyo aba uwa lumbukwa, **ena tekuti e luke Ubufumu bwa kwa Lesa mpaka ena afyalwa libili.** Lyena lisambililo ilikalamba. “Mucine kuli imwe.” Moneni. Kabiye ni muyesenda ubwilulo ubwa mu ci Hela; muli nokusanga: teti mu mone na menso yenu, **imwe mumona no mutima wenu. Mwamona, imwe teti mumone Ubufumu bwa kwa Lesa na menso yenu, pa mulandu bwena Bufumu bwa bumupashi.** Mwamona? Muma shiwi yambi, “Imwe tamwa katale ukwiluka Ubufumu bwa kwa Lesa mpaka mwa fyalwa libili.” Conse caba inkama ishasokololwa. Kabili ilyo mwa fyalwa libili, amapange ya Bufumu,

Ubufumu ubwine bulesa mukuba ubutuntulu kuli imwe.

Nga filya kakula akula icikulwa, kano fye ena kuti abelenga ica ku mwenako, takuli umulandu uwa ena ukwesha ukukula icikulwa, nga ena tailuka ku ca kumwenako. Kabili lyena ilyo ena ailuka ica kumwenako, lyena aleshiba umusango uwa ku kulilamo icikulwa. Ilya e nshila ca belamo. Cilya e cicitika palwa kukula Ubufumu bwa kwa Lesa. Imwe mulingile ukwiluka Ica kumwenako, **kabili imwe ta mwa keshibe ica kumwenako mpaka imwe mwa fyalwa libili.** [12]

“Cisuma, njikala mu America.” Cisuma, cilya tacipanga ubupusano ubuli bonse. Cilya tacimilenga imwe icintu cimo. Lesa tapela umucinshi ine pantu ndi mwina America. Ena tapela umucinshi umwina German pa mulandu ena mwina German, atemwa umu Polish pamulandu ena afuma ku Poland. Ena tapela mucinshi umwina Africa pa mulandu ena afuma ku Africa. Lesa tasekelela mu Africa. Nangula ena alisekelela mu German, nangula Ena alasekelela mu United States. **Lesa asekelela mu Bufumu bumo, kabilli bulya bufumu bwa kwa Lesa,** kabili abantu ukufuma ku nko shonse besa muli Bwena. Kabili bena balafyalwa muli Bwena ukupitila mu Bufyashi bwa kwa Abraham, uyo uwali Yesu Kristu, kabili tuli impyani ukulingana no bulayo (*Abena Galatia 3:16*).

Daniele ali mu mwene Wene nge Cilibwe ica putaulwa ukufuma ku lupili, cakunkulwike no kupola icimpashanya mu makasa, no kutobaula cena mu tupimfya, **kabili Ubufumu bwa kwa Lesa bwa likulile**

(*Daniele 2:31-35*). Ilyo Kristu akesa pokolola mu millennium, takwa kabe amalwele, nangula ubulanda. Konse, yonse amaboko yakafule mpanga shabo shibe baplao. Fyonse fikapwa ilyo Yesu akesa. Mpaka lilya, ilyo lyonse ilyo Satana aleteka pa nko, lyena kukaba ubulwi ne mpupilisho sha bulwi mpaka Yesu akese. Amen.

Kabili ndesosa we cibusa wandi Umwinakristu, te mulandu ulukuta ulo wabako, fyonse ifyo uli **nga iwe tauli mu Bufumu bwa kwa Lesa ku lubatisho lwa Mupashi wa Mushilo** ukumileta imwe mu Mubili wa kwa Kristu, ipatikishenimo nomba, pa mulandu imwe ta mwishibe ni ora nshi Ena aleisa. [6]

Lesa ni Lesa wa mushilo. **Kabili ilyo umuntu afyalwa ku Mupashi wa Mushilo**, ena untu walinga. Ena tali fye cilya, **lelo ena aba ni mfumu; ena ni cilolo. Ena afuma ku nko imbi. Ubufumu bwakwe bwa ku mulu.** Ena ali sushiwa na maka yakwa Lesa, Umulola wa kwa Lesa. Umwanakashi ucita cilya, alafwala ifyakufwala. Umwaume e kala uwatekanya kabili uwa cishinka ku mukashi wakwe. Umukashi e kala uwa cinshinka kabili uwatekanya ku balume babo. Bena tabafwaya nangu cimo ica mwi sonde. Ifya kukabila fyabo fyaba pa fintu ifya ku mulu (*Abena Kolose 3:1-4*). Bena na bafumako ku fintu ifya mwi sonde. **Bena bali ifibumbwa fipya muli Kristu (11 Abena Korinti 5:17).** Kabili bena ba Mushilo, bekala bwena; te bena aba mushilo, lelo Mupashi wa Mushilo ulabateka bena. Bena tabaikwatila amano yabo abene; Mupashi wa Mushilo endela muli bena. Ulya e mulandu wine bacita ifyafulungana ku bantu aba mwi sonde, **pa mulandu bena benshiwa ku**

Mupashi uwa Bufumu bumbi (*Abena Roma 14:17-18*). [13]

E ico kanshi, ifwe tuli abatandanshi kabili abeni pano; ino te ncende yesu iya kwi kalapo. Lelo ifwe tulefwaya umusumba uleisa uo Kakula kabili Kalenga wa buko ni Lesa (*Abahabere 11:8-10,13-16*). **E ico kanshi, ilyo mwa fyalwa ukufuma ku mulu**, imwe namukwata Mupashi wa Mushilo uwaika ukufuma kuli Lesa, cilya cilapilibula icifyalilwa cenu. Te mulandu, nkashi yenu, banyinenwe, cibusa wenu mwa temwisha enga fwala ulya musango (ukulingana ne mi sondele yaili sonde); lelo umwina Kristu uwa fyalwa ku Mupashi wa kwa Lesa afyalwa ukufuma ku mulu, **kabili Umupashi wabo wa ku Bufumu bumbi**. owe, ndi uwa nsansa nganshi pali cilya. Ukuipetamika ukwa Mupashi wa Mushilo, ukukonka Wena, ukumona Wena, ifyo Wena ubomba, ulenga imwe ukuicindika... [14]

Kabili efyo ino nkulo ikakumanya filya fine ku cishibilo ne cipapwa ne cintu ico Lesa alaile ukucita muli ishi inshiku shakulekelesha. **Kabili Ulukuta Ulwine lukaba ulwa iteyanya kabili lukaya mu kusendwa na Yesu**, pa mulandu ifwe tule pokelela Ubufumu ubushingatenshiwa. Bwena tekuti buseshiwe. Imyulu ne sonde fikapita lelo ubu Ubufumu ta bwa katale ukupita. Amen. **Ndi uwa nsansa ukuba muli bulya Bufumu**. Bushe ta muli abansansa ukuba muli Bwena? [3]

Nomba ifwe tulemona ubulayo uku fikilishiwa. Kristu, Umutwe uwa cine **ukwisa muli na Bwinga Wakwe**, ukucita imilimo imo ine iyo ena acitile pa ku

tendeka, no kulenga ukuteyanya, no kufikilisha Icebo Cakwe nge fyo Ena acitile pa kubala muli Yohane 14:12, *“Uyo uwa tetekela muli Ine imilimo iyo ncita nao akacita.”* **Lyena Umutwe kabili no Mubili fileisa mukuba cimo mu milimo ne cishibilo kabili na mu Mweo, ukushininkisha na Lesa Umwine ukupitila mu Cebo Cakwe icalaiwe ku nshiku sha kulekelesha.** Ena alaile ici mu shinku shakulekelesha. Nomba, nga muli aba bu mupashi, muli no ku mfwa cena.

Lyena ifwe kuti twamona ukutila umulalilo wa bwinga naupalama. Nomba, nga nshakatale ukumimona na kabili, ibukisheni, umulalilo wa bwinga na upalama (*Ukusokolola 19:6-9*), kabili lyena Ubufumu ukulingana no bulayo buli mupepi ukuletwamo, **millennium umukalamba**, ukusendwa mu mulu ukwa Lukuta, kabili no konaulwa ukwa mbifi, kabili isonde mu nshita iya Cikakatikilo ica Mutanda likasangululwa ku mulalilo uku fumyapo ukukowela konse no lubembu ulwe sonde, kabili no kuli bumba cipya cipya, no kuleta millenium mupya umusuma ku nshita iyo ili no kwisa. Ilyo twamona yonse aya ayakalamba ama busokololo yatatu: Lesa muli Kristu, Kristu mu Lukuta, Ubufumu ukwisa, Adam na Efa ukulubulwa uku bwelela kwibala Iya Eden mu kwimininako Kristu na Nabwinga Wakwe, kabili lyena Ubufumu buka bwekeshiwa ukulingana no bulayo Bwakwe.

Amapange ya kwa Lesa yali: intashi, **ukuilangisha Umwine umupwilapo: Lesa muli Kristu. Ica bubili, ukuba uwa ntanshi kuli ici mu Lukuta Lwakwe (ico icaba Umubili Wakwe, Nabwinga)** uku...Ena kuti

akwata intanshi ukuilangisha Umwine ukupitila muli bena.

Kabili ica butatu, **ukuwikisha Ubufumu ku cifulo ca buko ica linga ico icawile no lubembu kuli Adam wa ntanshi, ukubwelelamo uko Ena aendele mu nshita ya cungulo bushiku na bantu Bakwe, ukulanda na bena, ukukwata isenge na bena (Ukutendeka 2:15-17;3:8).** [9]

“Amalango na bakasesema fya liko ukufika na kuli Yohane: ukufuma lilya ubufumu bwakwa Lesa bulabilwa, no muntu onse utemenwe aipatikishamo-umuntu onse aipatikishamo” (Luka 16:16).

Tacili fye ukwendamo muli bwena mukwanguka, lelo ukuipatikishamo muli bwena. Mwamona? *“Nomba, ilyo muka mfwaya ne mitima yenu yonse, lyena nkasangwa” (11 Imilandu 15:15; Yereimiya 29:13-14).* [15]

Ndecetekela kuliko Nabwinga uyo uwalingilwa libela. Nde cetekela Lesa atile Ena aka kwata Ulukuta ulwabulamo itoni nangu akalu kanshi (*Abena Efese 5:27*). **Nalicetekela mukulingilwa libela, ukutula Nabwinga alilingilwa libela; Wene alingilwe ukuba kulya. Ndesubila ndi pamo Nankwe. Mwamona? Ndi pamo Nankwe. Nomba, cili kuli ine ukubombela ipusukilo lyandi ne mwine pamo na Lesa mpaka ifi fintu fya shininkishiwa na Lesa elyo kabili ukukakatikwa mu Bufumu bwa kwa Lesa. Ulya palya Mupashi wa Mushilo. Ilya palya imilimo iya cine iya kwa Lesa. Alikakatikwa mpaka ubushiku bwa kulubuka (Abena Efese 4:30).** [16]

“Kabili Ena alitulenga ukuba ishamfumu na bashimapepo kuli Lesa kabili Wishi; kuli Wene kube ubukata na bukateka umuyayaya umuyayaya. Ameni” (Ukusokolola 1:6).

“Ena natusangula ukuba!” Owe, kuliko ifishinka fimo ifyo tulingile ukukomaila. Ici ni cimo ica fyena. Ena! **Ena na tusangula!** Ipusukilo kubomba Kwakwe. **Ipusukilo Iya kwa Shikulu. Nikukusenamina fye. Ena atulubwile pe pange.** Ena atushitile pe pange **ifwe tuli imfumu, ishamfumu sha bumupashi** (1 Petro 2:9-10). Owe, ifwe tukesaba imfumu pe sonde pamo Nankwe ilyo Ena akekala pa cipuna Cakwe ica bufumu. **Lelo nomba ifwe tuli imfumu sha bu mupashi kabili tuletaka pa bufumu bwa bumupashi.** Itila mu Bena Roma 5:17, *“Pantu ica kupuluka ca muntu umo nga calengele imfwa iteke pa mulandu wa ulya umo; pali bufi aba pokelelo bwingi bwa kusenamina ne ca bupe ca bulungami **cikateka mu mweo kuli umo, Yesu Kristu.**”* Abena Kolose 1:13, *“Uwa tupokolwele ku lupaka Iwa mfifi, no kutupilibwila mu bufumu (ukuteka) bwa Mwana Wakwe uwatemikwa.”* Ino ine nshita tuletaka pamo na Kristu, ukukwata ulupaka pa lubembu, isonde, umubili, kabili na ciwa. Ukulangisha amalumbo Yakwe no bukata; ukuilangisha **UMWINE**, pa mulandu ni Kristu muli ifwe, ukufwaya no kubomba ubusuma Bwakwe. Ee, mucine, nangula nomba na twikala mu ncende sha mulwelele muli Kristu Yesu (Abena Efese 2:6).

“Kabili atulengele ba shimapepo.” Ee, bashimapepo kuli Wene, ukupela amalumbo aya bumupashi aya milomo iyangululwa. Ukupela

ubumi bwesu nge ca kuninika icisuma kuli Wene. Ukushinshimuna Wene mu Mupashi na mu cine (*Yohane 4:24*). *Ukupapatila no kulomba. Ba shima pepo kabili isha mfumu kuli Lesa wesu. E mulandu wine isonde talitutumuna kabili ifwe tuli abantu abaibela abacincila ku milimo iisuma (Tito 2:13-14)*. Ifwe twalilengwa cipya cipya muli wene ukuba abana abapala kuli Shifwe. [17]

Umwakumona:

- [1] “Bushe Kuti Na Cimfya Shani” (63-0825M), par.19
- [2] “Iciputulwa Icawamisha” (64-0705), par. 77
- [3] “Isonde Nakabili Lileonaika” (63-1127),
par.109/172-173/175-177
- [4] “Ishintililo” (62-1230M), pg.5
- [5] “Ifintu Ifili No Kubako” (65-1205), par. 54
- [6] “Isreale No Lukuta, Part 2” (53-0326), par.
48,50,51,53
- [7] “Bu Umo” (62-0211), par. 55-58/186-188
- [8] “Mumulola Wakwe” (62-0909E), par.35
- [9] “Kristu E Nkama Yakwa Lesa Ukusokololwa” (63-0728), par. 528-529/386-387/578-580/154-156
- [10] “Icaibela” (61-1210), par. 208
- [11] “Icitetekelo Ica Pwililika” (63-0825E), par. 114
- [12] “Mulingile Ukufyalwa Libili” (61-1231M), par.
42-44
- [13] “Iciunda Icaibela” (60-1218), par. 438
- [14] “Inkuka Iyo Ileisa” (60-0229), par. 84
- [15] “Ukupelelwa” (63-0901E), par. 43
- [16] “Amashina Yamiponto” (62-1104M), pg. 26
- [17] “Ukusokolola Kwakwa Yesu Kristu,” church –age-book pg. 35-36